

De insulis in generali. Capi.

In insule dicte sunt: eo quod in salo. i. mari sitae sunt. Ex his notissime et maxime ponende sunt. Britannia oceani insula interfusa mari toto orbe diffusa. vocabulo sue gentis cognominata est. Hec aduersa galliarum parte ad prospectum hispanie sita est. Circuitus eius quadragies octies septuaginta quingenta milia passuum. multa et magna flumina in ea: fontes calidi: et metallorum copia larga et varia. gagates lapis: et margarite plurime ibi sunt. Hec etiam dicitur communis anglicia. Thanathos insula oceani freto gallico a britania est vario termino separata. Tilos ultima insula oceani. Tilos indie insula est secundum solinum. Hec fert palmas oleum et vineas. hec omnes terras hoc solo miraculo vincit quod quecumque arbor in ea est nunquam caret folio: ibi mons caucassus qui maximam orbis partem perpetuis iugis penetrat: arbores piperis ibi ad similitudinem iuniperi. Orchades insule oceani. intra britaniam posite numero. xxij. quarum. x. deserte sunt et. xij. coluntur. Scotia eadem et hibernia proxima britanie insula spacio terrarum angustior sed situ fecundior. Hec ab affrica in boreas porrigitur: illic nulla anguis. nulla apis. auis rara. Gadis insula in fine bethice provincie sita. quae dirimit Europam ab affrica in qua herculis coluntur sunt. Fortunata insule hoc vocabulo significant omnia ferre bona: quasi felices et beate fructuum ubertate unde et gentiliu error et secularium carmina poetarum propter solis fecunditatem eam paradysum putauerunt. Harum prima dicitur membronia: secunda Innona: tertia Capzaria. quarta Theode: alia viuaria. hec site sunt in oceano contra leuam mauritanie. Borgondes insule sunt oceani. Ite Espidus insule crise et argire. Taprobana hec omnes insule oceani. Sunt et alie insule que ab hellesponto usque ad gades in mari magno sunt constitute. Et primo cyprius insula a cyprio que est in ea nomen accepit: ipsa est. et paphon veneri consecrata famosa quondam diuitijs maxime eris. Ibi enim prima inuentio huius metalli fuit et usus. Creta insula grece pars est ingens contra peloponensem: ibi absconditus est iupiter et nutritus. Fuit autem quondam centum urbibus nobilis: unde et centopolis dicta est. Prima remis et sagittis claruit. Prima litteris iura fixit equestres turmas prima docuit. studium musicum spondeis et dactylis in ea ceptum est. Capris copiosa: ceruis eget. lupos vulpes et alia ferarum noxia nusquam gignit serpens nullus: nulla noctua et si inueniatur statim moritur: larga est vitibus et arboribus: diptamus herba ibi nascitur. phalangos venenatos gignit. Abidos insula est europe super hellespontum posita. Eboos insula est adiacens provincie athice in qua ypocrates medicus natus est. Et ut varro testis est prima arte lanificij in ornatum feminarum claruit. Cyclades insule greci quidam autumant dictas: eo quod et si spatijs longioribus a delo proiecte in orbem tamen circa delon site sunt. Nam orbem cyclon greci dicunt. Quidam vero non quod in orbem distet: sed propter scopulosos qui circa eas sunt

dictas cyclades putant. Hec in hellesponto inter egeum et maeum mare constitute. Circulantur etiam pelago muretheo. Sunt autem omnes numero quinquaginta tres: metropolis earum rhodus. Delos est insula in medio cycladum sita: et dicta delos fertur: quia post diluuium ogigi temporibus notatur cum orbem multis mensibus non continua innumbrasset ante omnes terras radijs solis illuminata: sortitaque ex ea nomen quod prima visibus manifestata fuisset. Nam delon greci manifestum dicunt. Ipsa est et origia ubi primum visse sunt coturnices aues quas greci origias vocant. In hac insula latona enixa est appolline et dyana. Delos autem et ciuitas dicitur et insula. Rhodus prima cycladum est. Carpathos est una alia ex cycladibus. Eitherea alia est ex cycladibus ubi est ortavenus. Ycharia est alia. Ebyon insula Sira lingua appellatur: eo quod ibi mastix gignitur. Samo insula est in mari egeo: ubi nata est Juno ex qua fuit sibilla samia et pitagoras samius a quo philosophie nomen inuentum est. In hac insula primo vasa fictilia repta dicuntur. Sicilia a sichano rege sichania dicta est deinde a siculo ytali fratre sicilia dicta. Primum autem trinacria dicta propter tria aera. i. promontaria peloponensis. pathinum et lylibeum: hanc ab ytalia exiguo freto discreta est: affricam mare prospectans: terris fructifera: vetis et sulphure plena. Ubi et ibi ethne montis extant incedia: in cuius freto scilla et calibdis quibus nauigia aut absorbentur aut colliduntur. Fuit autem patria quondam cycloporum et postea nutrix tyrannorum: principem urbium siracusam habet: in ea insula primum inuenta est comedia: mare eius corallum gignit et achatem lapidem flumen achate dat: omnis ambitus eius clauditur stadiorum trium milium. Eolie insule sicilie appellate sunt ab eolo ypote filio: quos poete finxerunt regem fuisse ventorum. Sed ut Varro dicit. rector fuit istarum insularum et quoniam ex earum nebulis et fumo futuros predicebat flatum ventorum ab imperitis visus est ventos sua potestate retinuisse. Eadem insule et vulchane vocantur quod et ipse sicut ethnas ardeat. Sunt autem nonnem habentes propria nomina. quarum prima lipparis: altera tralia. Sardus herculis filius cum magna multitudine a lybia profectus sardiniam occupauit et ex suo vocabulo insule nomen dedit. Hec in affrico mari in longitudine milia centum in latitudine. xl. passuum. In ea neque serpens gignitur neque lupus: fontes habet sardinia calidos infirmis medelam prebentes. furibus cecitates si sacramento dato aquas eius tetigerint. Eolie insule exordium incole ligures dederunt appellantes eam ex nomine ducis. Diuiditur autem a sardinia. xx. milium freto cincta ad prospectum ytalie. Ebusus insula est hispanie. Baleares insule hispanie due sunt. Afrosiades et Bemafides: in hijs primum inuentus est usus fundarum quibus lapides emittuntur. multe et alie sunt insule quia inhabitate hic non numerantur.